


Euskal AEko BPG % 2,0 eta enplegua % 1,5 hazi dira 2025eko lehen hiruhilekoan

2024ko azken hiruhilekoarekin alderatuta, BPG % 0,6 hazi da eta enplegua % 0,4

Eustatek Hiruhileroko Kontu Ekonomikoen Aurrerapenean egindako estimazioen arabera, Euskal AEko Barne Produktu Gordina (BPG) % 2,0 igo da 2025eko lehen hiruhilekoan, aurreko urteko hiruhileko berarekin alderatuta. Aurreko urteko laugarren hiruhilekoaren aldean, Euskal AEko BPGren hazkundea % 0,6koa izan da.

Aurrerapen hau egiteko unean eskura dagoen koiunturazko informazio ekonomikoaren arabera, urteko lehen hiruhileko honetan ikusitako hazkundea industriaren eta, bereziki, eraikuntzaren urte arteko hobekuntzan oinarritu da.



Enplegua, lanaldi osoko lanpostu baliokide gisa neurtuta, urte artean % 1,5 hazi da, eta horrek 14.000 lanpostu baino gehiago sortzea dakar. Aurreko hiruhilekoarekin alderatuta, estimatutako hazkundea % 0,4koa da.

Datorren **ekainaren 6an**, Eustatek BPGren eta enpleguaren estimazio bereiziak argitaratuko ditu 2025eko lehen hiruhileroko Hiruhileroko Kontu Ekonomikoetan; izan ere, Aurrerapen hau egiteko unean eskuragarri ez zegoen koiunturazko informazio ekonomikoa txertatu ahal izango da.

Informazio gehiago:

Eustat - Euskal Estatistika Erakundea/Instituto Vasco de Estadística

Donostia kalea 1, 01010 Vitoria-Gasteiz

Prentsa-zerbitzua: servicioprensa@eustat.es Tel: 945 01 75 62